

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N j E

**po Prijavi namjere koncentracije između privrednog subjekta ABS banka d.d. Sarajevo,
Bosna i Hercegovina i privrednog subjekta Steiermärkische Bank und Sparkassen AG,
Republika Austrija**

**Sarajevo
april 2007. godine**



Broj: 01-02-26-003-6-II/07
Sarajevo, 05. aprila 2007. godine

Na osnovu člana 25. stav (1) pod e), člana 42. pod d) u vezi čl.12., 14., 16., i 18., te u skladu sa članom 24. stav (2) Zakona o konkurenciji («Službeni glasnik BiH», broj 48/05), Odluke o načinu podnošenja prijave i kriterijuma za ocjenu koncentracija privrednih subjekata («Službeni glasnik BiH», broj 96/06) i člana 193. stav (2) Zakona o upravnom postupku («Službeni glasnik BiH», broj 29/02), a po Prijavi namjere koncentracije između privrednog subjekta Steiermärkische Bank und Sparkassen AG, Graz, Sparkassenplatz 4, Republika Austrija i privrednog subjekta ABS banka d.d. Sarajevu, Trampina 12/4, Bosna i Hercegovina, zaprimljena pod brojem: 01-02-26-003-II/07 dana 17. januara 2007. godine, Konkurencijsko vijeće, na 43. (četrdesettrećoj) sjednici održanoj dana 05.04.2007. godine, je donijelo

R J E Š E N J E

1. Ocjenjuje se dopuštenom koncentracija koja će nastati na tržištu bankarskih i finansijskih usluga Bosne i Hercegovine, stjecanjem većinskog vlasničkog učešća u privrednom subjektu ABS banka d.d. Sarajevo, Trampina 12/4, Bosna i Hercegovina od strane privrednog subjekta Steiermärkische Bank und Sparkassen AG, Graz, Sparkassenplatz 4, Republika Austrija.
2. Koncentracija iz tačke 1. ovog Rješenja upisuje se u Registar koncentracija.
3. Ovo Rješenje je konačno i biće objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Privredni subjekt Steiermärkische Bank und Sparkassen AG (u daljem tekstu: StBS banka ili podnosilac prijave) Graz, Sparkassenplatz 4, Republika Austrija, zastupana po advokatu Seadu Miljkoviću, Fra Anđela Zvizdovića 1, Sarajevo, je podnio Konkurencijskom vijeću Prijavu namjere koncentracije, kojom privredni subjekt StBS banka na osnovu javne tender ponude za preuzimanje dioničkog društva želi postati većinski vlasnik privrednog subjekta ABS banke d.d. Sarajevu, Trampina 12/VI, Bosna i Hercegovina (u daljem tekstu: ABS banka).

Prijava namjere koncentracije (u daljem tekstu: podnosilac Prijave) je podnesena Konkurencijskom vijeću, dana 17.01.2007. godine, u skladu sa članom 16. stav (1) Zakona o konkurenciji. Prijava je podnesena kompletna i Konkurencijsko vijeće, dana 15.02.2007. godine, je izdalo podnosiocu Prijave Potvrdu o prijemu kompletne i uredne prijave, u smislu člana 30. Zakona o konkurenciji (u daljem tekstu: Zakon).

Predmetna koncentracija nije podnesena na ocjenu koncentracije nadležnim tijelima za konkurenciju van teritorije Bosne i Hercegovine, u smislu člana 30. stav (2) Zakona. Predmetna koncentracija na osnovu člana 1. st. 2. i 3. propisa Evropske unije broj: 139/2004 je izuzeta od obaveze prijave koncentracije kod ovlaštenih tijela Evropske unije, jer ista ne prelazi prag neophodan za obavezu prijave koncentracije.

Ostvareni ukupni godišnji prihod učesnika koncentracije (privredni subjekti StBs banka i ABS banka) u svijetu i na tržištu Bosne i Hercegovine u 2006. godini (u godini koja je prethodila predmetnoj koncentraciji), u smislu člana 14. Zakona (Tabela 1.), iznosi:

Tabela 1.

Konsolidovani prihod (KM)	StBS banka	ABS banka
Svijet	(..)** ¹	-
Bosna i Hercegovina	-	(..)**

Konkurencijsko vijeće je utvrdilo iz podataka navedenih u Prijavi postojanje obaveze prijave namjere koncentracije, obzirom da su ispunjeni kriteriji ukupnog ostvarenog prihoda privrednih subjekata učesnika koncentracije na tržištu roba i/ili usluga u svijetu i Bosni i Hercegovini, u godini koja je prethodila predmetnoj koncentraciji, u smislu člana 14. Zakona.

Konkurencijsko vijeće je u postupku ocjene koncentracije utvrdio sljedeće činjenice:

Pravni okvir ocjene koncentracije

Zakonodavni okvir

Konkurencijsko vijeće u sprovođenju postupka ocjene predmetne koncentracije je primjenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), Odluke o načinu podnošenja prijave i kriterijuma za ocjenu koncentracija privrednih subjekata, a primjenjene su i odredbe Zakona o upravnom postupku u dijelu koji nije uređen odredbama Zakona.

Budući da se predmetna koncentracija dešava u sektoru bankarstva, u obzir su uzete i odredbe Zakona o bankama Federacije BiH («Službene novine Federacije BiH», broj 39/98 i 32/00).

Pravni osnov i oblik koncentracije

Pravni osnov predmetne koncentracije, u skladu sa članom 12. stav (1) pod b). tačkom 1. i 2. Zakona, predstavlja stjecanje kupovinom većine dionica ili dijela osnovnog kapitala na osnovu javne tender ponude za preuzimanje dioničkog društva u skladu sa Zakonom o preuzimanju dioničkih društava u Federaciji BiH («Službene novine Federacije BiH», broj 07/06).

Pravni oblik koncentracije je stjecanje kontrole privrednog subjekta Steiermärkische Bank und Sparkassen AG, Grac, Sparkassenplatz 4, Republika Austrija nad privrednim subjektom ABS banka d.d. Sarajevu, Trampina 12/4, Bosna i Hercegovina.

Učesnici koncentracije

Privredni subjekt Steiermärkische Bank und Sparkassen AG Sparkassenplatz, Sparkassenplatz 4, 8010 Graz, Republika Austrija, osnovana je i posluje prema propisima Republike Austrije kao dioničko društvo, registrovano u Registru preduzeća Pokrajinskog suda za građansko pravo u Gracu, Republika Austrija.

Osnovni predmet poslovanja privrednog subjekta StBS banka:

- sve djelatnosti u segmentu univerzalnog bankarstva osim investicionih poslovanja u vezi sa upravljanjem kapitalnim fondovima, osnivanje i upravljanje investicionim fondovima, usluge štednje za stanovanje;
- poslovanje, iznajmljivanje i davanje u zakup nekretnina.

¹ (..)**- Podaci predstavljaju poslovnu tajnu

Privredni subjekt StBS banka je vodeća finansijska institucija u regiji Južne Austrije sa oko 430.000 korisnika i konsolidovanim ukupnim sredstvima od 21,71 milijardi KM (11,1 milijardi EUR-a).

Akcije privrednog subjekta StBS banka su u vlasništvu slijedećih dioničara:

- (.)**% Steiermärkische Verwaltungssparkasse;
- (.)**% Erste Bank der osterreichischen Sparkassen AG; i
- (.)**% zaposleni u privrednom subjektu StBS banka.

Privredni subjekt StBS banka na relevantnom tržištu Bosne i Hercegovine nema povezanih privredni društava.

Privredni subjekt StBS banka trenutno je prisutan na relevantnom tržišima Republike Slovenije, Republike Srbije, Republike Crne Gore, a u Republici Hrvatskoj je trenutno glavni dioničar u trećoj po veličini bankarskoj instituciji Erste & Steiermarkische Bank d.d.

Privredni subjekt ABS banka je dioničko društvo u privatnom vlasništvu koje svoje aktivnosti obavlja na području Federacije Bosne i Hercegovine i Brčko Distrikt Bosne i Hercegovine. Privredni subjekt ABS banka je osnovana u julu 1999. godine spajanjem privrednog subjekta Komerc banka - Tešanj, privrednog subjekta Privredna banka Sana d.d. - Sanski Most i privrednog subjekta Trgovačka banka d.d. – Visoko, kada mijena svoje ime u privredni subjekt ABS banka d.d. i prenosi sjedište iz Visokog u Sarajevo. U daljim procesima integracije, u periodu između marta 2000. godine i septembra 2002. godine, privrednom subjektu ABS banka se pripaja privredni subjekt Orijent banka d.o.o., privredni subjekt Šipad banka d.d. i privredni subjekt Šeh-In banka Zenica, a u septembru 2001. godine kupuje dio aktive privrednog subjekta Kreditne banka d.d. Tuzla u likvidaciji.

Privredni subjekt ABS banka djelatnosti u sektoru univerzalnog bankarstva /maloprodajno i korporativno bankarstvo) Federacije Bosne i Hercegovine i Brčko Distrikta Bosne i Hercegovine.

Analiza relevantnog tržišta

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu. Relevantno tržište usluga u konkretnom slučaju je tržište univerzalnog bankarstva što podrazumjeva pružanje bankarskih usluga maloprodajnog i korporacijskog bankarstva na teritoriji Federacije Bosne i Hercegovine i Brčko Distrikta Bosne i Hercegovine.

Budući da učesnici predmetne koncentracije djeluju posredno i neposredno na teritoriji Federacije Bosne i Hercegovine i Brčko Distrikta Bosne i Hercegovine relevantno tržište u geografskom smislu smatrat će se tržište Federacije Bosne i Hercegovine i Brčko Distrikta Bosne i Hercegovine.

Slijedom navedenog, pod relevantnim tržištem predmetne koncentracije podrazumjeva se pružanje usluga u segmentu univerzalnog bankarstva na teritoriju Federacije Bosne i Hercegovine i Brčko Distrikta Bosne i Hercegovine.

U analizi relevantnog tržišta učesnika predmetne koncentracije i procjenama tržišnih učešća, korišteni su podaci Agencije za bankarstvo Federacije Bosne i Hercegovine, podaci Konkurencijskog vijeća, kao i podaci iz Prijave dostavljeni od učesnika koncentracije.

Tržišno učešće privrednog subjekta ABS banka i privrednog subjekta StBS banka, na dan 31.12.2006.godine, u ukupnoj bankarskoj aktivi Federacije Bosne i Hercegovine i Brčko Distrikta Bosne i Hercegovine (Tabela 2.) iznosi :

Tabela 2.

Naziv banke		Aktiva KM	
		Iznos	%
1.	ABS banka	207.655.000,00	1,81%
2.	StBS banka	nema	nema
3.	Ostale banke	11.291.525.000,00	98,19%
4.	Ukupno 1+2	207.655.000,00	1,81%
5.	Ukupno	11.499.180.000,00	100,0%

Analizirajući navedene podatke (Tabele 2.) privredni subjekt ABS banka u aktivi Federacija Bosne i Hercegovine i Brčko Distrikta Bosne i Hercegovine ima 1,81% ukupne aktive, dok privredni subjekt StBS banka nije imala aktivu.

Maloprodajno bankarstvo

Bankarske usluge za stanovništvo (maloprodajno bankarstvo) obuhvataju prije svega depozite i račune, zajedničke fondove, penzione fondove i brokerske usluge na tržištu hartija od vrijednosti, distribuciju dividendi itd.

Tržišno učešće privrednog subjekta ABS banka i privrednog subjekta StBS banka, na dan 31.12.2006. godine, na tržištu maloprodajnog bankarstva na teritoriji Federacije Bosne i Hercegovine i Brčko Distrikta Bosne i Hercegovine (Tabela 3.) iznose:

Tabela 3.

	Tržišni učešće u maloprodajnog bankarstvu				
	FBIH / BD BiH	ABS banka	StBS banka	ABS banka	StBS banka
Ukupni krediti	3.471.829.000,00	42.232.000,00	nema	1,22%	nema
Ukupni depoziti	3.403.443.000,00	66.702.000,00	nema	1,96%	nema

Tržišno učešće privrednog subjekta ABS banku na tržištu maloprodajnog bankarstva (Tabela 3.) Federacije Bosne i Hercegovine i Brčko Distrikta Bosne i Hercegovine iznosi 1,22% u segmentu ukupnih kredita i 1,96% u segmentu ukupnih depozita, dok privredni subjekt StBS banka nije imao tržišno učešće.

Korporativno bankarstvo

Korporativno bankarstvo obuhvata širok djelokrug bankarskih usluga koje se generalno nude korporativnim klijentima, prije svega depozite, kredite, novčane transakcije, kreditna pisma, međunarodne isplate itd.

Tržišno učešće privrednog subjekta ABS banka i privrednog subjekta StBS, na dan 31.12.2006. godine, na tržištu korporativnog bankarstva cijeloj teritoriji Federacije BiH i Brčko Distrikta Bosne i Hercegovine (Tabela 4.) iznosi:

Tabela 4.

	Tržišno učešće u korporativnom bankarstvu				
	FBIH / BD BiH	ABS banka	StBS banka	ABS banka	StBS banka
Ukupni krediti	3.348.325.000,00	88.696.000,00	nema	2,65%	nema
Ukupni depoziti	4.975.879.000,00	80.357.000,00	nema	1,61%	nema

Tržišno učešće privrednog subjekta ABS banka na tržištu korporativnog bankarstva (Tabela 4.) Federacije Bosne i Hercegovine i Brčko Distrikta Bosne i Hercegovine iznosi 2,65% u segmentu ukupnih kredita i 1,61% u segmentu ukupnih depozita, dok privredni subjekt StBS banka nije imao tržišno učešće.

Poslovna mreža

Struktura poslovne mreže privrednog subjekta ABS banke i banaka konkurenata registrovanih u Federaciji Bosne i Hercegovine, na dan 31.12.2006. godine (Tabela 5.) iznosi :

Tabela 5.

Rb	Naziv banke	Poslovna mreža	Postotak
1.	Unicredit Zagrebačka banka d.d. Mostar	77	14,78%
2.	Raiffeisen bank d.d. Sarajevo	69	13,24%
3.	Hypo Alpe –Adria Bank d.d. Mostar	47	9,02%
4.	ABS banka d.d. Sarajevo	41	7,87%
5.	HVB Cental Profit Banka d.d. Sarajevo	39	7,49%
6.	LT Gospodarska banka d.d. Sarajevo	25	4,8%
7.	NLB Tuzlanska banka d.d.Tuzla	39	7,49%
8.	ProCredit bank d.d. Sarajevo	31	5,95%
9.	UPI banka d.d. Sarajevo	18	3,45%
10.	Volksbank BH d.d. Sarajevo	22	4,22%
11.	Ostale	113	21,69%
	Ukupno	521	100,0%

U strukturi poslovne mreže privredni subjekt ABS banka ima ukupno 41 organizacionih dijelova što predstavlja 8,64% od ukupnog broja na tržištu Federacije Bosne i Hercegovine i Brčko Distrikta Bosne i Hercegovine.

Procjena koncentracije

Konkurencijsko vijeće je nakon procjene i analize podataka i činjenica u postupku donošenja predmetnog Rješenja, utvrdilo da predmetna koncentracija ne sprječava, ograničava niti narušava tržišnu konkurenciju u oblasti bankarskih usluga u Federaciji Bosne i Hercegovine i Brčko Distrikta Bosne i Hercegovine, već ista dovodi do pojačane tržišne konkurencije.

Analizirajući podatke (Tabele 2., 3., 4. i 5.) predmetna koncentracija neće stvoriti niti ojačati dominantni položaj učesnicima koncentracije, budući da se neće moći u značajnoj mjeri ponašati nezavisno od stvarnih konkurenata na relevantnom tržištu, što je jasno vidljivo iz neznatnog tržišnog učešća po osnovu bankovne aktive, maloprodajnog bankarstva i korporativnog bankarstva.

Također, pri ocjeni predmetne koncentracije Konkurencijsko vijeće je posebno uzelo u obzir i činjenicu da namjeravana koncentracija značajno ne povećava tržišno učešće učesnika koncentracije na relevantnom tržištu.

Slijedom navedenog Konkurencijsko vijeće je ocijenilo predmetnu koncentraciju dopuštenom u smislu člana 18. stav (2) Zakona, i odlučilo kao u dispozitivu ovog Rješenja.

Administrativna taksa

Na ovo Rješenje podnosilac Prijave, u skladu sa članom 2. tarifni broj 107. stavom (1) pod d) 1) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Gordan Raspudić

Predsjednik